

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՀԱՅՏԱՐԱՐՈՒԹՅՈՒՆ ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲԱ-ՆԳ-2019/30, 21.05.2019թ.

Բողոք ներկայացնող անձ՝ «Լիլանարմ» ՍՊԸ

Պատվիրատու՝ Երևանի քաղաքապետարան

Գնման ընթացակարգի ծածկագիրը և առարկան՝ «ԵԲ-ԲՄԱՇՁԲ-19/32» ծածկագրով բաց մրցույթ, Երևանի քաղաքապետարանի կարիքների համար Երևան քաղաքի վարչական շրջանների բազմաբնակարան շենքերի մուտքերի վերանորոգման աշխատանքների ձեռքբերում:

Բողոքի պահանջը՝

1. Պարտավորեցնել մրցույթի գնահատող հանձնաժողովին դադարեցնել 15.05.2019թ. ժամը 10:00-ին տեղի ունեցած նիստի թիվ 4 արձանագրության 1-ին կետի 1.3 ենթակետով ընկերության հայտը մերժելու մասին որոշումը.
2. Պարտավորեցնել մրցույթի գնահատող հանձնաժողովին դադարեցնել 15.05.2019թ. ժամը 10:00-ին տեղի ունեցած նստի թիվ 4 արձանագրության 2.1 կետով 1-ին չափաբաժնի մասով «Ագարակ» ԲԲԸ-ին, 4-րդ չափաբաժնի մասով «Օրիոն-7» ՍՊԸ-ին մրցույթի առաջին տեղ զբաղեցրած մասնակից ճանաչելու մասին որոշումը.
3. Պարտավորեցնել մրցույթի գնահատող հանձնաժողովին ընդունել որոշում՝ ընկերության հայտը բավարար գնահատելու վերաբերյալ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Գ.ՆԵՐՍԻՍՅԱՆ, ՔԱՐՏՈՒՂԱՐ՝ Ա. ԾԱՏՈՒՐՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Սույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

51-րդ հոդվածի 1-ին մասի համաձայն՝ ՀՀ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքի քննության արդյունքներով ընդունված որոշման՝ ուժի մեջ մտնելու օրը ներառյալ:

Գնումների հետ կապված բողոքները քննող անձին

<<Լիլանարմ>> ՍՊԸ ֆինանսական գծով տնօրեն

Նարնկ Պողոսյանից, ք. Երևան, Նուբարաշեն 12փ., 4 շենք.

6 բն., հեռ.՝ 099130990, 093411098, email՝ lilanarm@mail.ru

21.05.2019թ.

Ի լրումն 17.05.2019թ. ներկայացված բողոքի՝ Ձեզ եմ ներկայացնում փոփոխված և առկա թերությունները վերացված բողոքը:

Երևանի քաղաքապետարանը, որը գտնվում է ք. Երևան, Արգիշտի 1 հասցեում, հայտարարել է <<ԵՔ-ԲՄԱՇՁԲ-19/32>> ծածկագրով բաց մրցույթ: (Այսուհետ՝ նաև ընթացակարգ):

Ընթացակարգի հրավերով սահմանված գնման առարկա է հանդիսանում «Երևանի քաղաքապետարանի» կարիքների համար՝ «Երևան քաղաքի վարչական շրջանների բազմաբնակարան շենքերի մուտքերի վերանորոգման աշխատանքների ձեռքբերումը, որոնք խմբավորված են «7» չափաբաժիններում:

Ընթացակարգին, ի թիվս մնացած կազմակերպությունների, մասնակցության հայտ է ներկայացվել նաև <<Լիլանարմ>> ՍՊԸ կողմից:

Ընթացակարգի գնահատող հանձնաժողովի 08.05.2019թ. տեղի ունեցած նիստում կայացվել է որոշում <<Լիլանարմ>> ՍՊԸ-ին 1-ին և 4-րդ չափաբաժինների մասով առաջին տեղ զբաղեցնող ճանաչելու վերաբերյալ:

<<Գնումների գործընթացի կազմակերպման մասին>> ՀՀ կառավարության 526-Ն որոշմամբ հաստատված կարգի 43-րդ կետի 3-րդ ենթակետի համաձայն՝ առաջին տեղին զբաղեցրած մասնակցի հայտը ներկայացնելու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների, ինչպես նաև հրավերով «ֆինանսական միջոցներ» որակավորման չափանիշի գնահատման համար սահմանված պայմանների առկայության վերաբերյալ հարցում է ներկայացվել Հայաստանի Հանրապետության կառավարությանն առընթեր պետական եկամուտների կոմիտե (Այսուհետ՝ կոմիտե):

Ընթացակարգի գնահատող հանձնաժողովի 15.05.2019թ. ժամը 10:00 տեղի ունեցած նիստի թիվ 4 արձանագրության 1 կետի 1.3 ենթակետով արձանագրվել է, որ կոմիտեի կողմից սահմանված ժամկետում ներկայացվել է եզրակացություն, համաձայն որի Ընկերությունը հայտը ներկայացնելու օրվա դրությամբ հարկային մարմինների կողմից վերահսկվող եկամուտների գծով ունի ժամկետանց հարկային պարտավորություն, որը գերազանցում է <<Գնումների մասին>> ՀՀ օրենքի 6-րդ հոդվածի 1-ին մասի 2-րդ կետով սահմանված չափը, և կայացվել է որոշում ընկերության հայտը մերժելու վերաբերյալ:

ԿԵՆՏՐԱԼ ԵՐԵՎԱՆԻ ՄԱՐԿԵԹԻՆԳՍԻՆԳ

ԱՇԽԱՏԱԳԱՐՄ

ՍՊԸ N Մ-22673-19

21 05 2019 թ.

Բողոքի իրավական հիմքերը և հիմնավորումը.

Ընկերության հայտը մերժվել է <<ԵՔ-ԲՄԱՇՁԲ-19/32>> ծածկագրով գնման ընթացակարգի գնահատող հանձնաժողովի կողմից՝ հիմք ընդունելով ՀՀ կառավարության 2017 թվականի մայիսի 4-ի N526-Ն որոշման N1 հավելվածով հաստատված գնումների գործընթացի կազմակերպման կարգի (Այսուհետ՝ կարգ) 44-րդ կետի պահանջները, այն է՝ եթե սահմանված ժամկետում տրամադրված տեղեկատվության արդյունքում մասնակցի ներկայացրած հայտարարությունը որակվում է իրականությանը չհամապատասխանող, ապա հայտերի գնահատման նիստում հանձնաժողովի որոշմամբ տվյալ մասնակցի հայտը մերժվում է՝ անկախ մասնակցի կողմից կոմիտեի տրամադրած տեղեկատվությունից տարբերվող տեղեկատվության ներկայացվելու հանգամանքից:

Ընկերությունը տրամադրել է տեղեկատվություն, համաձայն որի 07.05.2019թ. թիվ 000954 վճարման հանձնարարականով՝ Հայրիզենտրանկ ՓԲԸ-ի միջոցով մինչև Ընթացակարգի մասնակցության հայտը ներկայացնելը, իրականացրել է իր հարկային պարտավորության կատարումը: Հայտը ներկայացվել է 22:53՝ համոզվելուց հետո, որ վճարումը կատարվել է և գումարը հաշվից էլքագրվել է: Տեխնիկական պատճառներով ՊԵԿ բազայում պարտքի մարումը տեղի է ունեցել հաջորդ օրը՝ 08.05.2019:

Համաձայն կարգի 67-րդ կետի՝ գնահատող հանձնաժողովը կարող է ստուգել մասնակցի ներկայացրած տվյալների իսկությունը՝ օգտագործելով պաշտոնական աղբյուրներից ստացված տվյալներ կամ դրա մասին ստանալով իրավասու մարմինների գրավոր եզրակացությունը: Նման հարցում ուղարկվելու դեպքում համապատասխան պետական և տեղական ինքնակառավարման մարմինները հարցումն ստանալու օրվան հաջորդող երկու աշխատանքային օրվա ընթացքում տրամադրում են գրավոր եզրակացություն: Եթե մասնակցի ներկայացրած տվյալների իսկության ստուգման արդյունքում տվյալները որակվում են իրականությանը չհամապատասխանող, ապա տվյալ մասնակցի հայտը մերժվում է: Համապատասխան հարցման գրավոր եզրակացության դեպքում ակնհայտ կլինի, որ Ընկերությունը սահմանված ժամկետում 07.05.2019թ.՝ հայտը ներկայացնելու օրը, կատարել է իր հարկային պարտավորության վճարումը:

Հաշվի առնելով վերոգրյալը, գտնում եմ, որ Ընկերությունը չի ներկայացրել իրականությանը չհամապատասխանող տեղեկատվություն, ուստի տվյալ հիմքով հայտը ենթակա չէ մերժման:

ՀՀ գնումների հետ կապված բողոքներ քննող անձից խնդրում եմ՝

Պարտավորեցնել <<ԵՔ-ԲՄԱՇՁԲ-19/32>> ծածկագրով բաց մրցույթի «գնահատող» հանձնաժողովին դադարեցնել 15.05.2019թ. Ժամը 10:00-ին տեղի ունեցած նիստի թիվ 4 արձանագրության 1 կետի 1.3 ենթակետով Ընկերության հայտը մերժելու մասին կայացրած որոշումը:

Պարտավորեցնել <<ԵՔ-ԲՄԱՇՁԲ-19/32>> ծածկագրով բաց մրցույթի գնահատող հանձնաժողովին դադարեցնել 15.05.2019թ. Ժամը 10:00-ին տեղի ունեցած նիստի թիվ 4 արձանագրության 2.1 կետով 1-ին չափարածնի մասով <<Ազարակ>> ԲԲԸ-ին, 4-րդ չափարածնի մասով <<Օրիոն-7>> ՍՊԸ-ին Ընթացակարգի առաջին տեղ զբաղեցնող մասնակցից ճանաչելու մասին կայացրած որոշումը:

Պարտավորեցնել <<ԵՔ-ԲՄԱՇՁԲ-19/32>> ծածկագրով բաց մրցույթի գնահատող հանձնաժողովին ընդունել որոշում՝ Ընկերության հայտը բավարար գնահատելու մասին:

Հարկային պարտավորությունների վճարման անդորրագրերը, ՊԵԿ կողմից տրամադրված տեղեկանքները 07.05.19 և 08.05.19թ դրությամբ հարկային պարտավորությունների վերաբերյալ, բանկի հաշվի բաղվածքը ներկայացված է նախորդ բաղթին կից:

<<Լիլանարմ>> ՍՊԸ ֆինանսական գծով տնօրեն՝

